

說文解字段注

冊八

說文解字第十一篇上一

金壇段玉裁注

川準也

準古音追上聲此以疊韵爲訓如戶護尾微之例釋名曰水準也準平也天下莫平於水故匠人建

國必水地

北方之行

月令曰大史謁之天子曰某日立冬盛德在水

象衆水並流

中有微陽之氣也

火外陽內陰水外陰內陽中畫象其陽云微陽者陽在內也微猶隱也水

之文與三卦略同式軌切十五部

凡水之屬皆从水

𣶒 西極之水

也从水入聲

府巾切十二部

爾雅曰西至於汎國謂之

四極

釋地曰東至於大遠西至於邪國南至於濮鉛北至於祝栗謂之四極釋文邪本或作鹵說文作汎同彼貧反

案汎之作鹵聲之誤也作邪則更俗矣而可證唐以前早有以邪代鹵者許意西極汎國必以汎水得名言水必先汎與邑部

言地先鹵善皆自西而東如禹貢之先弱水黑水也許不以溺水先於河者水莫尊於河與江也南都賦汎汎翻軋李善汎音

入引埤倉汎大聲也此假借別爲一義其音亦可讀如邪汎疊韵也

河

河水各本水上無河字由盡刪

篆下複舉隸字因并不可刪者而刪之也許君原本當作河水也三字河者篆文也河水也者其義也此以義釋形之例毛傳

云洽水也渭水也此釋經之例出敦煌塞外昆侖山

句發原注海

錯

作嶽鉉作焯皆誤今正唐朝乃作嶽煌見元和郡縣志前此皆作敦鄴氏書引應劭地理風俗記曰敦大也煌盛也地理志郡

國志皆有敦煌郡縣六首敦煌許但云敦煌謂郡也明之沙州衛今甘肅之安西州敦煌縣玉門縣皆漢郡地也史記大宛傳

曰于寘之西水皆西流注西海其東水東流注鹽澤鹽澤潛行地下其南則河源出焉多玉石河此四字當作爲積石河注中國鹽澤

去長安可五千里又曰張騫死後漢使窺河源河源出于寘其山多玉石采來天子案古圖書名河所出山曰崑崙云漢書西

域傳曰西域以孝武時始通本三十六國東則接漢隄以玉門陽關西則限以蔥嶺其南山東出金城與漢南山屬焉其河有

兩源一出蔥嶺一出于闐于闐在南山下其河北流與蔥嶺河合東注蒲昌海蒲昌海一名鹽澤者也去玉門陽關千三百餘

里千字依水經注廣袤三四此字依小司馬增百里其水亭居冬夏不增減皆以爲潛行地下南出於積石爲中國河云地理志曰金城

郡河關縣積石山在西南羌中河水行塞外東北入塞內至勃海郡章武入海過郡十六行九千四百里按于闐今之和闐也

班云積石山者卽禹貢之道河積石今甘肅西寧府西南境之大積石也許云出敦煌塞外者卽班志云河水行塞外也云昆

崙山者卽馬班所云出蔥嶺于寘天子案古圖書名其山曰崑崙也云發源注海者釋水文卽志所云東北入塞內至章武入

海也史漢所云古圖書者謂禹本紀山海經皆云河出昆崙也馬班皆不信禹本紀山海經之言而許云出昆崙山者許從漢

武帝所詔也塞外之山至高者皆可謂之昆崙故武帝取以詔蔥嶺于闐山而不取荒誕之說爾雅釋水曰江河淮濟爲四

瀆四瀆者發源注海者也河出崑崙崑崙虛色白所渠并千七百一川色黃爾雅但言出崑崙崑崙虛而絕無禹本紀山海經荒誕之言

故許取

爲說 以水可聲

平哥切

十七部

泐

泐澤

澤上補

虛下

宋本河泐下皆作昆侖趙鈔本侖作崙非虛字各本無今依太平御覽所引補昆侖虛見爾雅山海經水經北

部曰虛大丘也昆侖丘謂之昆侖虛山海經西山經曰不周之山東望泐澤河水所潛也其源渾渾泡泡西山經之泐澤郭景

純酈善長皆云卽史漢之鹽澤一名蒲昌海者也云河水所潛卽史漢書所謂潛行地下南出於積石也泐澤距于闐山漢武

詔之昆侖者不甚遠故曰在昆侖虛下

以水幼聲讀與坎同

坎同泐於糾切三部

凍 凍水

水上補凍字以下皆同

出發鳩山入河

北山經曰又北二百里曰發鳩

之山漳水出焉東流注于河水經注濁漳篇曰漳水又東凍水注之凍水西出發鳩山東徑余吾縣故城南又東徑屯留縣故

城北又東流注于漳故許慎曰水出發鳩山入關從水東聲也案酈注作入關不可通說文云入於河亦與水道不合又但云

出發鳩山不言發鳩所在郡縣蓋許所據山海經作凍水出焉東流注于河故許仍舊立文如下又滄出北騶山入邯鄲亦全

用北山經語凍作漳正如今北山經作潞許作滄及木部引撫出發鳩山今作柘之比泐凍字皆出山海經故類舉之耳若依

水經注則凍入濁漳濁漳徑入海不入河發鳩山淮南子注水經山海經注皆云在上黨長子縣西今山西潞安府長子縣縣

西五十里

有水發鳩山 以水東聲

德紅切九部按方言瀧涿謂之霑漬瀧涿亦曰瀧凍又爾雅楚辭有凍雨

王云暴雨也

涸 涸水

句以下同

出廣漢剛邑道徼外南入

說文解字注

第十一篇上一

中華書局聚

漢

地理志曰廣漢郡剛氏道郡國志曰廣漢屬國都尉領陰平道甸氏道剛氏道剛氏此作剛邑蓋誤百官公卿表曰

列侯所食縣曰國皇太后皇后公主所食曰邑有蠻夷曰道然則志傳甸氏道剛氏道前氏道皆以其有氏而道之志於剛氏道下曰涪水出徼外南至墊江入漢過郡二行千六十九里過郡二者廣漢巴郡也墊江屬巴郡按剛氏道徼外蓋在今四川龍安府松潘廳境內地舊松潘衛也衛東有小分水嶺涪水出焉東南流經龍安府之平武縣江油縣彰明縣又經綿州又經潼川府之三臺縣射洪縣遂寧縣至重慶府之合州城南嘉陵江合渠江自東北來會合流至重慶府城北入大江合州漢之墊江縣也嘉陵江即西漢水也許云南入漢謂入嘉陵江也水經云涪水出廣魏涪縣西北南至小廣魏與梓潼水合梓潼水出其縣北畛西南入於涪又西南至小廣魏南入於墊江云出涪縣與志異者水經舉稍近言也墊江縣名而云入於墊江者以地名名水也益州之水見於史者涪水謂之內水今之涪江也雖水合綿水謂之中水今在瀘州州城北入大江水道提綱謂之沱江者是也

从水否聲

縛牟切

二部

潼水出廣

漢梓潼北畛南入墊江

製各本作墊今正廣漢郡梓潼前後二志同前志曰梓潼五婦

山馳水所出南入涪行五百五十里應劭注云潼水所出南入墊江水經曰梓潼水出其縣北畛西南入於涪又西南至小廣魏南入於墊江按馳水潼水梓潼水異名同實五婦山即今四川保寧府劍州西北五十里之五子山今劍州及綿州之梓潼縣蓋漢梓潼地潼水出五子山之西大山東南流經今梓潼縣又經潼川府之鹽亭縣又至射洪縣東南之獨坐山入涪江

今謂之潼江射江灤江許云南入襲江卽謂今射洪東南入涪江涪江下流至重慶府之合州合嘉陵江也漢志墊江應劭音徒浹反孟康音重疊之疊許書衣部云襲重衣也巴郡有襲江縣此縣爲嘉陵江渠江涪江會合之地水如衣之重復故曰襲江其字音疊淺入乃譌作昏墊之墊觀應孟之音則知漢書字固從衣也云入襲江者其縣其水通名也今四川忠州之墊江縣則漢巴郡臨江縣地與漢襲江相距甚遠○又按涪下曰南入漢者言至襲江而入西漢水也潼下曰南入襲江者言入西漢水在襲江境也錯見互相足○又按地理志水經之羌水下合白水又合西漢水卽今四川保寧府昭化縣城北合嘉陵江之白水也羌水亦謂之墊江者蓋昔人以其委名其源魏書吐谷渾阿豺登其國西疆山觀墊江源今洮州衛西南三百四十里西嶺山

羌水所出

從水童聲

徒紅切

江江

外嶠山入海

蜀郡湔氏道二志同前志曰湔氏道禹貢嶠山在西徼外江水所出東南至江都入海過

郡九行七千二百六十里今本九作七行七千作行二千今依徐鍇所引正過郡九者蜀郡犍爲巴郡南郡長沙江夏廬江丹陽廣陵國也湔氏徼外嶠山卽禹貢岷山封禪書謂之瀘山李膺益州記謂之羊膊嶺今四川龍安府松潘廳卽松潘衛衛北二百三十里大分水嶺是也流經茂州成都府眉州嘉定府敘州府瀘州重慶府忠州夔州府湖廣之宜昌府荊州府岳州府武昌府漢陽府黃州府江西之九江府江南之安慶府池州府太平府江寧府鎮江府常州府諸境至北岸通州南岸蘇州府昭文縣境入海此禹貢

以水工聲

古雙切

江別流

也

召南曰江有沱釋水曰水自江出爲沱毛傳曰沱江之別

者按今說文衍流字宜刪沱爲江之別如勃解爲海之別

立文正同禹貢某氏注云沱江別名江別

出嶧山東句別

爲沱

禹貢曰岷山道江東別爲沱按荊州梁州皆有沱地理

志蜀郡郫下曰禹貢江沱在西東入江汶江下曰江沱

在西南東入江皆謂梁州沱也於南郡枝江曰江沱在西東入

江謂荊州沱也道江之東別爲沱自當謂梁州者鄭注尚書不

信地理志所說以今水道言之水道提綱曰江至灌縣曰都江

分爲二派其南流者正派也其東流經郫縣新繁成都新都金

堂南經簡州資陽資縣富順至瀘州復入江者沱江也沱江會

北來綿維諸水而南入江曰中水是首受江尾入江與漢志合

然此郫之沱耳汶江之沱尚

當在其上流未審今何水

東至會稽山陰爲浙江

會稽郡山陰二志同今浙江省

謂錢唐江爲浙江不知錢唐江地理志水經皆謂之漸江江至

會稽山陰古曰浙江說文浙漸二篆分舉劃然後人乃以浙名

冒漸蓋由二水相合如吳越春秋越王至浙江之上史記楚威

王盡取故吳地至浙江始皇至錢唐臨浙江皆謂是也今則江

故道不可攷矣歛金氏榜禮箋曰班志南江在會稽吳縣南東

入海揚州川北江在毗陵北東入海揚州川中江出丹陽蕪湖

西南東至陽羨入海揚州川毗陵之北江卽今大江其蕪湖之

中江吳縣之南江逕流湮廢據班志丹陽石城下云分江水首

受江東至餘姚入海過郡二行千二百里說文江水至會稽山

陰爲浙江闕朝十三州志曰江水至會稽與浙江合晉灼亦云

水經江水又東至石城縣分爲二其一東北流過毗陵縣北爲北江其一又東至會稽餘姚縣東入於海酈注沔水篇曰江水自石城東出爲南江又東逕宣城之臨城縣南又東逕安吳縣又東逕寧國縣南又東逕故鄣縣南安吉縣北又東北爲長瀆歷湖口又歷烏程縣南通餘杭縣則與浙江合又東逕餘杭縣故城南又東注於海所謂地理志江水自石城東出逕吳國南爲南江者也榜謂分江水合三江言之爲南江猶岷江合言之爲北江班氏備列南江中江北江以應職方揚州其川三江其於石城著南江源委猶於渝氏道著北江源委故志於中江言出蕪湖西南東至陽羨入海至南江北江但云東入海以入海之地已互見於石城渝氏道也是分江水爲南江卽志文考之益明酈注能說南江而不能說中江耳

以水斬

聲

二百爨切十五部

泐

泐水出蜀汶江徼外東南入江

蜀郡

汶江見前志後志云蜀郡汶江道前志蜀郡青衣山下云大渡水東南至南安入泐汶江下云泐水出徼外南至南安東入江過郡三行三千四十里水經曰大江又東南過犍爲武陽縣青衣水沫水從西南來合而注之又曰青衣水出青衣縣西蒙山東與沫水合至犍爲南安縣入江沫水出廣柔徼外東南過旄牛縣北又東至越嶲靈道縣出蒙山南東北與青衣水合東入於江注曰江水又東南經南安縣西縣治青衣水會於帶二水矣縣南有峨眉山有濛水大渡水也水發蒙谿東南與泐水合泐水出徼外徑汶江道南至南安入大渡水大渡水又東入江按經曰武陽注曰南安二縣壤接犍爲南安者今四川嘉定府治附郭縣曰樂山是也蜀郡汶江縣者今四川茂州治是其地凡言徼外者皆謂去其郡縣境不甚遠如廣漢剛氏道徼外蜀

前氏徽外皆是徽者張揖曰塞也以木欄水爲蠻夷畛也漢志青衣縣下有渡水而無青衣水蓋今之青衣水班所謂大渡水也今之大渡河班所謂澁水也凡水以互受而名亂舉如是矣且地理志不言沫水但言大渡水入澁澁水至南安入江水經華陽國志張揖注漢書皆曰沫水與青衣水合入江然則諸家云沫水與青衣水合者即班志之大渡水與青衣水合也今水道言今之青衣江出雅州府蘆山縣東伏牛山西麓東南流經榮經縣東雅州府城北名山縣南洪雅縣南夾江縣西至嘉定府西境與陽江合者諸家之青衣水班志之大渡水也今之大渡河出小金川司大金川司至上下魚通合打箭鑪瀘河經曬經關合越嵩河經峨眉縣西南大嶺山前又經三峨山麓至嘉定府西南境青衣江自西北來會者諸家所云沫水班固所云澁水也大渡河自北而西而西南而東而東北曲行千五百里班云過郡三者蜀郡越嶲犍爲也云行三千四十里三千或

是二千之誤凡唐宋史云大渡河者皆謂地理志之澁水即司馬相如傳之沫水

从水戔聲

各本篆作

解作我聲音五何切字之誤也今更正按作戔則與漢志不合遂有改志作戔者致漢志師古注曰澁音戔蓋沿音義舊文玉篇涪潼澁江沱前浙沫温瀾滇淹沮涂沅共十五字聯屬皆涪江之類與說文正合而戔字則廁於部末孫強陳彭年襍收字中此與木部梳字可正梳字之誤正同水經注云呂忱曰澁水出蜀許慎以爲洩水也从水戔聲分別許呂古今異體俗改洩爲戔非是廣韻十六咍曰澁水名出蜀此用字林集韻十六咍類篇水部皆云澁或作洩此許字之佚見於古籍者祖才

部切一

前

前水出蜀郡縣虎玉壘山東南入江

郡字

衍前志曰蜀郡縣虎後志曰蜀郡縣虎道有蠻夷曰道前志省
文耳前志曰縣虎玉壘山前水所出東南至江陽入江過郡三
行千八百九十里又曰廣漢郡縣竹縣紫巖山縣水所出東至
新都北入維廣漢郡維縣章山維水所出南至新都谷字誤入
前過郡三者蜀郡廣漢犍爲也前水縣水維水三水互受通偶
水經云又東過江陽縣南維水從三危山東過廣魏維縣南東
南注之是卽漢志之前水兼縣維至江陽入江者也三危山蓋
卽漢志之玉壘山水經以維爲前也江陽今四川瀘州縣虎玉
壘山當在松潘衛境內蜀都賦曰廓靈關以爲門包玉壘而爲
宇劉逵注玉壘山名前水出焉在成都西北岷山峽在後故曰
宇靈關在前故曰門也今水道縣水由縣竹縣至漢州合維水
維水由什邛縣至漢州合縣水其下流經蘭州資陽縣資縣內
江縣富順縣至瀘州城與大江會於漢志水經皆無不合特其
名或異耳此史所謂中水也其上游據酈氏云前水入江有前
棚前堰前澳諸偁故今謂中水爲沱江但秦

李冰所造非禹故道漢志亦不謂前爲沱
切十一 一曰前半濞也
各部
各本作手濞之今依水經注引字林

義半濞者濞衣不全濯之僅濯其垢處曰前今俗語猶如此此

相沿古語如云前裙是也廣韵前洗也一曰水名此用說文而

互易其先後耳字林蓋全襲說文語而酈書於前水出縣虎玉

壘山下引呂忱云一曰半沔水也下注江此妄增水字謂半沔
爲前水別名亦其涉獵者博不無抵牾
沔
沔水出蜀西
南徼外東南入江
蜀謂蜀郡也不言何縣者未審也
沫水
沫水卽沔水兩列之蓋許有未審
以

沔水出蜀西

水末聲

莫割切十五部按瀑下云一日沫也沫謂水泡江賦說水鳥云拊拂瀑沫

溫水出

槩為符

句

南入黔水

槩依王氏宋本從木槩釋曰漢碑槩為皆作槩為是也符各本作涪

誤今正地理志槩為郡符下云溫水南至黔入黔水南至黔入黔水黔水亦南

至黔入江按黔音同黔水即黔水水經於江水曰又東過枳

縣西延江水從牂牁郡北流西屈注之枳縣今重慶府涪州治

也枳與涪陵縣壤接今涪州城東北有黔江南自貴州合諸水

入焉亦曰烏江亦曰涪江亦曰涪陵江此水自西而東而北源

流二千三百里詳見水道提綱會貴州大定貴陽遵義平越石

阡思南大府及湖廣施南半府四川酉陽黔江彭水南川涪州

諸水實巨川也水經注延江篇曰溫水一曰煖水出槩為符縣

而南入黔水黔水亦出符縣南與溫水會俱南入黔水江水篇

曰華陽記曰枳縣在江州巴郡東四百里治涪陵水會皆烏江

之源委也漢志今本疑有奪字以水經注正之疑當云溫水至

入江非例也水經之延江水於江水條曰枳縣西注江於延江

條曰至沅陵縣入於沅酈氏有一水枝分之說但許不言黔水

所入班但言黔水入江不言何處入江古人略之蓋其慎也水

道提綱綜緝最詳而覈之古籍粹難互證槩為符縣今四川瀘

州合江縣

其地也

以水盈聲

鳥覓切十二部今以為為溫煖

瀘水

出巴郡宕渠西南入江

巴郡宕渠二志同今順慶府渠

也前志宕渠下曰瀘水西南入江不曹水出東北南入瀘水經

於江水曰又東北至巴郡江州縣東強水涪水漢水白水宕渠

水五水合南流注之酈云宕渠水卽潛水渝水矣水經又曰潛水出巴郡宕渠縣又南入於江按許云西南入江則此水必合嘉陵江至合州入江未詳今之何水鄭注禹貢梁州曰漢別爲潛其穴本小水積成澤流與漢合蜀都賦演以潛沫劉逵云禹貢梁州池潛旣道有水從漢中沔陽縣南流至梓潼漢壽縣入穴中通岡山下西南潛出今名伏水舊說云禹貢潛水也劉澄之酈道元說與達略同或以今保寧府廣元縣之由七盤關經神宣驛又經龍洞口至朝天驛北穿穴而出入嘉陵之水證之此水甚小殆非是況所由非宕渠也班許皆不釋禹貢以潛水系諸宕渠縣云西南入江許云出宕渠班則不云出宕渠然則潛是入西漢以入江之水今不能定爲何水耳

从水驚聲

昨鹽切七部

沮沮水出

漢中房陵東入江

漢中郡房陵二志同左傳之麇國成大心敗麇師於防渚闕駟曰防卽房

陵也今湖北鄖陽府房縣是其地左傳定四年吳人敗楚及鄢楚子出涉睢哀六年昭王曰江漢睢漳楚之望也前志房陵下

曰東山沮水所出東至郢入江應劭南郡臨沮注曰沮水出漢中房陵東入江水經曰沮水出漢中房陵縣東山東南過臨沮

縣畛又東南過枝江縣東南入於江今此水出房陵西南二百里之景山經當陽縣合南漳水至荊州府城西南周寅店入江

顧景范曰其字正作沮左傳作睢皆七餘反後譌爲相讀曰租字與音俱變矣今襄陽沮水左右地皆曰沮中亦謂之沮中襄

陽記沮中在上黃畛吳志赤烏四年諸葛瑾取沮中正是事

沮沮水出房陵東入江

子余切五部按經典釋文漢書注皆曰七餘反

說文解字注

第十一篇上

六中華書局聚

縣下滇池澤在西北南中志曰有澤水周迴二百里所出深廣下流淺狹如倒流故曰滇池今雲南雲南府附郭昆明縣府城南之滇池是也城西南八十里爲海口大河卽滇池導流之處也下流至武定府注於金沙江金沙江在四川敘州府入江

从水真聲

都年切

餘涂水出益州牧靡南山山西

北入繩

繩各本譌作繩今正牧前志作收後志作牧華陽國志竟作升李奇曰靡音麻收靡卽升麻常璩曰升麻

縣山出好升麻收升牧三字皆同紐繇釋益州太守碑牧靡字

三見晉書亦作牧矣益州郡牧靡二志同前志曰南山臘涂水

所出西北至越嶲入繩過郡二行千二十里水經注若水篇曰若水又東涂水注之出水建寧郡之收靡縣南山縣山並卽草

以立名山在縣東烏甸山南五百里山生收靡可以解毒涂水導源臘谷西北流至越嶲入若水按涂水出臘谷故漢志謂之

臘涂水漢志說文皆云入繩繩而水經注云入若水者善長云若水又逕越嶲大柞縣入繩繩水出徼外南逕旄牛道至大柞與

若水合自下亦通謂之繩水矣諸書錄記羣水或言入若水又言注繩正是異水沿注通爲一律隨納通稱也水道提綱曰金沙

江卽古繩水鴉龍江一名打冲河卽古若水金沙江出番地至雲南姚安府大姚縣境合鴉龍江至四川敘州府治宜賓縣西

南境入於江金沙自犛石山發源至雲南麗江府境已四千二百餘里自麗江至四川敘州府又二千五百餘里源遠流長所

受大水數十小水無數其爲大江上源無疑也王裁謂多以金沙爲大江正源然非禹貢峒山道江之旨禹貢於河源江源皆

舉其近者聖人不尚遠略之意牧靡今何縣涂水今何水未審

从水余聲

同都切五部按古道塗塗墜字

為流沙水經曰合離山在酒泉會水縣東北流沙地在張掖居延縣東北今甘肅舊山丹衛即刪丹廢縣舊甘州衛西北二百里有故居延城故居延城東北有居延海衛西北四十里有合黎山衛西有弱水胡氏渭禹貢雖指曰弱水正流入居延海其餘波則入流沙

从水弱聲

而灼切二部按今人用為休沒字溺行而休廢矣又用為

人小便之泉字而水名則皆作弱

桑欽所說

漢書儒林傳孔氏古文尚書安國授都尉朝朝授膠東庸

生庸生授清河胡常少子常授號徐敖敖授王璜及平陵塗暉子真子真授河南桑欽君長地理志傳桑欽說五水部引桑欽

說三桑經典

釋文作乘

洮水出隴西臨洮東北入河

隴西郡臨

洮二志同前志臨洮下曰洮水出西羌中北至枹罕東入西枹罕屬金城郡東入西字誤當依水經注作東入河水經曰河

水又東入塞過敦煌酒泉張掖郡南又東過隴西河關縣北洮水從東南來流注之鄯注引段國沙州記曰洮水與墊江水俱

出強臺山山南即墊江源山東即洮水源按強臺山即西頃山也墊江即入西漢水之白水也今甘肅蘭州府狄道州州西南

二百二十里有臨洮城漢縣也今洮河出洮州衛西南邊外之西頃山東麓東北流經狄道州南至蘭州府西境入河曰洮口

行八百餘里

从水北聲

又為洮類又為洮汰洮米皆用此字

涇

涇水出安定涇陽開頭山東南入渭

禹貢雍

屬渭納周禮職方氏曰雍州其川涇前志曰安定郡涇陽開頭山在西禹貢涇水所出東南至陽陵入渭過郡三行千六十里

雍州川陽陵屬左馮翊郡三者安定扶風馮翊也今甘肅平涼府附郭平涼縣府西南有故涇陽城漢縣也開頭山亦作笄頭山始皇紀作雞頭山在今平涼府西南四十里今涇水出山之涇谷經涇州又經陝西邠州長武縣至西安府高陵縣西南二十里入渭曰涇口大致東南流也涇濁渭清故詩曰涇以渭濁涇水溉田之利自秦漢鄭國白公而後迄於唐宋元明皆修復白 離州之川也 周禮職方氏文班氏述地理志曰采獲渠 官春秋故每言禹貢某山禹貢 以水空聲 古靈切十一部某水某州川某州浸許意略同 按爾雅直波爲涇釋名作直波曰涇云涇涇也言如道涇也莊子涇流之大司馬彪云涇通也大雅鳬鷖在涇鄭箋曰涇水中也與下章沙訓水旁爲反對謂水中流涇直孤往之波也今 渭水出蘇州嘉興溝瀆曰某涇某涇亦謂其可涇通

隴西首陽渭首亭南谷東南入河

隴西郡首陽二志同首陽縣今

甘肅蘭州府渭源縣當是其地禹貢曰道渭自鳥鼠同穴入于河前志首陽下曰禹貢鳥鼠同穴山在西南渭水所出東至船司空入河過郡四行千八百七十里雍州寢過郡四者天水扶風京兆馮翊也水經曰渭水出隴西首陽縣渭谷亭南鳥鼠山注曰渭水出隴西首陽縣首陽山渭首亭南谷山在鳥鼠山西北縣有金城嶺嶺上有城號渭源城渭水出焉東北流逕首陽縣西與別源合別源出鳥鼠山渭水谷禹貢所謂渭出鳥鼠者也按酈注蓋本說文較說文多首陽山三字疑今說文奪去酈也依說文故以首陽山南谷與鳥鼠山爲二以今地志言之皆在渭源縣西相距甚近今渭水出此經鞏昌府及寧遠縣伏羌縣

秦安縣秦州清水縣寶雞縣岐山縣扶風縣武功縣藍屋縣鄠縣咸陽縣西安府臨潼縣高陵縣渭南縣朝邑縣至華陰縣北

入於河古所謂渭汭左傳閔二年虢公敗犬戎於渭隊服虔曰隊謂汭也杜預本作渭汭

切十五部洞簫賦注引埤倉沸渭不安兒

杜林說夏書五字曰為出鳥鼠

山後漢書杜林傳曰林於西州得漆書古文尚書一卷雖遭艱困握持不離出以示衛宏徐巡等宏巡益重之於是古

文遂行此云杜林說夏書謂林說古文尚書禹貢也云曰為出鳥鼠山者家上省文謂杜云渭水出隴西首陽縣之鳥鼠山鳥

鼠山與首陽山南谷同縣雖州漫職方氏文鄭曰浸漾而異地故別為異說也

漾水出隴西獬道東至武都為漢獬各本作柏字之誤也今依水

經注所引說文正前志獬道屬天水後志屬漢陽漢陽即天水也獬道不屬隴西當作氏道乃與漢志合水經注漾水篇曰許

慎呂忱闕駟並言漾水出隴西獬道東至武都為漢水不言氏道然獬道在冀之西北又隔諸川無水南入疑出獬道之為謬

矣按禹貢曰嶓冢道漾東流為漢又東為滄浪之水前志隴西郡氏道下曰禹貢養水所出至武都為漢武都郡武都下曰東

漢水受氏道水一名沔過江夏謂之夏水二條相屬為辭隴西郡西下又曰禹貢嶓冢山西漢所出南入廣漢白水東南至江

州入江鄭注尚書道漾引地理志漾水出隴西氏道至武都為漢至江夏謂之夏水注梁州沱潛云潛蓋西漢出嶓冢東南至巴郡江州入江行二千七百六十里又云漢別為潛其穴本小水積成澤流與漢合大禹自導漢疏通即為西漢水也班鄭皆